

JAVNA USTANOVA DOM ZDRAVLJA
KANTONA SARAJEVO
GENERALNI DIREKTOR
Broj 01-03-9721-7/17
Dana, 24.01.2018. godine
Sarajevo, Vrazova 11

Na osnovu člana 38. Statuta Javne ustanove Dom zdravlja Kantona Sarajevo ("Službene novine Kantona Sarajevo" broj 40/13), člana 72. stav 3 tačka (e) Zakona o javnim nabavkama ("Službeni glasnik BiH" broj 39/14), člana 17. Pravilnika o procedurama javnih nabavki i stvaranju ugovornih obaveza u Javnoj ustanovi Dom zdravlja Kantona Sarajevo i Preporuke Komisije za javne nabavke broj 01-08-9721-6/17 od 24.01.2018. godine, generalni direktor donosi sljedeću

ODLUKU
o usvajanju žalbe ponuđača "DVG Alm Company" doo Sarajevo
i poništenju "Odluke o izboru ponuđača "A&D" doo Sarajevo
u postupku nabavke broj KZ- 20/17 broj 01-03-9721-5/17 od 16.01.2018.god. i izboru i
odjeli ugovora ponuđaču "DVG Alm Company" doo Sarajevo

I

Djelimično se usvaja žalba ponuđača DVG Alm Company doo Sarajevo i poništava se Odluka o izboru ponuđača A&D doo Sarajevo broj 01-03-9721-5/17 od 16.01.2018. godine u konkurentskom zahtjevu javne nabavke broj KZ- 20/17 nabavka rezervnih dijelova održavanja i servisiranje liftova za potrebe Javne ustanove Dom zdravlja Kantona Sarajevo.

Ugovor o nabavci u konkurentskom zahtjevu javne nabavke broj KZ 20/17 nabavka rezervnih dijelova održavanja i servisiranje liftova za potrebe Javne ustanove Dom zdravlja Kantona Sarajevo **odjeliti će se ponuđaču DVG Alm Company doo Sarajevo.**

II

Ova odluka će se dostaviti svim ponuđačima koji su učestvovali u postupku javne nabavke, shodno članu 70. stav (6) Zakona o javnim nabavkama.

IV

Ova odluka stupa na snagu danom donošenja.

O b r a z l o ž e n j e

Na osnovu Plana javnih nabavki za 2017.godinu , Odluke o pokretanju postupka javne nabavke broj 01-03-9721/17 od 15.12.2017. godine, pokrenut je konkurentski zahtjev sa predmetom nabavke rezervnih dijelova odražavanje i servisiranje liftova za potrebe Javne ustanove Dom zdravlja Kantona Sarajevo.

Obavještenje o nabavci objavljeno je na Portalu javnih nabavki dana 20.12.2017. godine pod brojem 29-7-2-131-3-113/17.

Ugovorni organ proveo je aktivnosti vezane za nabavku u skladu sa odredbama Zakona o javnim nabavkama.

Dana 23.01.2018. godine zaprimljena je žalba ponuđača DVG Alm Company doo Sarajevo na Odluku o izboru ponuđača broj 01-03-9721-5/17 od 16.01.2018.godine.

Komisija za provođenje procedure javnih nabavki je konstatovala da je žalba blagovremena, dopuštena i izjavljena od ovlaštene osobe.

Prije razmatranja žalbe, Komisija je utvrdila da je žalba dopuštena, blagovremena i izjavljena od ovlaštene osobe.

Na osnovu žalbenih navoda žalitelja, Komisija izvršava ponovni uvid u cjelokupnu ponudu ponuđača A & D doo Sarajevo.

Analizom pojedinačno navedenih žalbenih navoda i pregledom ponude Komisija je konstatovala da je žalbeni navod o direktnom protivriječju Odluke i Zapisnika opravdan , da je evidentno neslaganje, ali je očigledno da se radi o tehničkoj grešci te da je tabela u Odluci ista tabela koja je dostavljena u prvom Zapisniku sa otvaranja ponuda u kojoj su prikazane prvopročitane vrijednosti sa otvaranja i da tu nisu evidentirane izmjene koje su nastale nakon evaluacije i ocjene ponuda.

Žalitelj dalje navodi da je na Zapisniku na strani 2 učinjena greška te cijena žalitelja uvećana i prikazana pogrešno. Uvidom u ponudu Komisija je konstatovala da je kod žalitelja usljed tehničke greške prepisivanja ponuđenih cijena u tabeli ostala cijena ponuđača A&D doo Sarajevo, i to cijena prije saglasnosi na ispravku računске greške. Dakle nije došlo do namjernog povećanja cijene žalitelja, nego je očigledna tehnička greška.

Sljedeći nedostaci koje je ponuđač naveo su:

-“a)Ponuda ponuđača A&D d.o.o. nije propisno zapakovana – nema jemstvenik (a što je propisano tačkom 5.2. TD)”

Komisija je uvidom u ponudu utvrdila da ovaj žalbeni navod nije tačan, obzirom da je ponuda uvezana propisno i osigurana jemstvenikom kako je traženo Tenderskom dokumentacijom, a što se ponuđač mogao lično uvjeriti prilikom izvršenog uvida.

-“b)U ponudi ponuđača A&D d.o.o. nije dostavljena referens lista (a što je propisano tačkom 2.2. f) TD)”

Komisija je konstatovala da ponuđač u svojoj ponudi nije dostavio referenc listu, ali istu nije b.o ni obavezan dostaviti u sklopu ponude, obzirom da je u tenderskoj dokumentaciji jasno navedeno u tački 2.2. f) da:

“Ponudač čija ponuda bude izabrana kao najpovoljnija, dužan je nakon prijema odluke o izboru dostaviti u roku od 5 dana originale ili ovjerene kopije dokumenata/potvrda kojim dokazuje tehničku i profesionalnu sposobnost i to:

- **Referenc lista** sklopljenih ugovora u vezi sa **predmetom javne nabavke** u zadnje dvije godine ili od datuma registracije, odnosno početka poslovanja, ako je ponudač registrovan, odnosno počeo sa radom prije manje od dvije godine.
 - Uz referenc listu ponudač je dužan dostaviti najmanje jednu **Potvrdu** koju je izdao primaoc robe u vezi sa dostavljenom referenc listom, a koja obavezno sadrži: naziv, sjedište ugovornih strana/privrednih subjekata, predmet ugovora, vrijednost ugovora, vrijeme i mjesto izvršenja ugovora i navode o uredno izvršenim ugovorima “
- Imajući u vidu navedeno ovaj žalbeni navod **nije osnovan**.

-“c) U ponudi ponuđača A&D d.o.o. nije dostavljena potvrda primaoca robe (a što je propisano tačkom 2.2. f) TD)”

Komisija je konstatovala da ponudač u svojoj ponudi nije dostavio navedenu potvrdu, ali istu nije bio ni obavezan dostaviti u sklopu ponude, obzirom da je u tenderskoj dokumentaciji jasno navedeno u tački 2.2. f) da:

“Ponudač čija ponuda bude izabrana kao najpovoljnija, dužan je nakon prijema odluke o izboru dostaviti u roku od 5 dana originale ili ovjerene kopije dokumenata/potvrda kojim dokazuje tehničku i profesionalnu sposobnost i to:

- **Referenc lista** sklopljenih ugovora u vezi sa **predmetom javne nabavke** u zadnje dvije godine ili od datuma registracije, odnosno početka poslovanja, ako je ponudač registrovan, odnosno počeo sa radom prije manje od dvije godine.
 - Uz referenc listu ponudač je dužan dostaviti najmanje jednu **Potvrdu** koju je izdao primaoc robe u vezi sa dostavljenom referenc listom, a koja obavezno sadrži: naziv, sjedište ugovornih strana/privrednih subjekata, predmet ugovora, vrijednost ugovora, vrijeme i mjesto izvršenja ugovora i navode o uredno izvršenim ugovorima “
- Imajući u vidu navedeno ovaj žalbeni navod kao ni prethodni **nije osnovan**.

-“d) Stranice ponude ponuđača A&D d.o.o. nisu numerirane (a što je predviđeno tačkom 5.2. TD)

Ponovnim uvidom u ponudu komisija je konstatovala da ponuda ponuđača A&D d.o.o. nema numerisane sve stranice ponude kako je to traženo tačkom 5.2. Tenderseke dokumentacije, te se ovaj žalbeni navod smatra **opravdanim**.

-“e) Stranice ponude ponuđača A&D d.o.o. nisu parafirane (a što je predviđeno tačkom 5.2. TD)

Ponovnom analizom ponude komisija je konstatovala da stranice ponude nisu parafirane od strane ovlaštene osobe ili osoba dobavljača. Komisija smatra ovaj žalbeni navod **opravdanim**.

Imajući u vidu navedeno, Komisija je konstatovala da je žalba ponuđača DVG Alm Company doo Sarajevo **djelimično osnovana**.

Usvajanjem žalbe u dijelu u kome je ista osnovana konstatuje se da ponuda Ponuđača A&D doo Sarajevo ne ispunjava formalno pravne uslove tražene tačkom 5.2. Tenderske dokumentacije, te kao takva **nije kvalifikovana** u ovom postupku nabavke.

Komisija je izvršila ponovno rangiranje i ocijenu ponuda te sačinila rang listu prema kriteriju najniža cijena tehnički zadovoljavajuće ponude kako slijedi:

Rang lista	Ponudač	Ponuđena vrijednost sa uračunatim PDV-om u KM
1.	DVG ALM Company doo	5.054,40
2.	Otis Liftovi doo	8.494,20
3.	Euro Lifting doo	10.670,40

Cijeneći gore navedeno Komisija je dala preporuku generalnom direktoru da Odluku o izboru ponuđača „A&D“ doo Sarajevo broj 01-03-9721-5/17 od 16.01.2018. – **poništi** i donese Odluku o usvajanju žalbe i izboru najpovoljnijeg kvalifikovanog ponuđača **“DVG ALM Company” doo Sarajevo** koji ispunjava sve zahtjeve ugovornog organa u formano pravnom, ekonomskom i tehničkom smislu za ponuđenu vrijednost ugovora u iznosu od **5.054,40 KM** sa uračunatim PDV-om.

Shodno navedenom, generalni direktor Javne ustanove Dom zdravlja Kantona Sarajevo, donosi odluku kao u dispozitivu.

PRAVNA POUKA: Ponuđač koji smatra da je ugovorni organ prekršio odredbe Zakona o javnoj nabavci, ima pravo uložiti žalbu ugovornom organu, u roku od 10 (deset) dana od dana prijema Odluke o poništenju – Odluke o izboru najpovoljnijeg ponuđača. Žalba se izjavljuje ugovornom organu u pisanoj formi u dovoljnom broju primjeraka koji ne može biti manji od tri.

GENERALNI DIREKTOR

Mr. sci. med. prim. dr. Fuad Husić
spec. porodične/obiteljske medicine



DOSTAVITI:

- **Otis liftovi doo Sarajevo**
Ul. Paromlinska 53F, 71000 Sarajevo
- **DVG Alm Company doo Sarajevo**
Ul. Nedima Filipovića bb, 71000 Sarajevo
- **A&D doo Sarajevo,**
Ul. Hifzi Bjelavca 136, 71210 Ilidža
- **Euro Lifting doo Srebrenik**
Ul. Srebreničke brigade bb, 75350 Srebrenik
- **Javne nabavke**
- **a/a**